



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Vildana Bešlija

Zastupnica u Skupštini Kantona Sarajevo

Broj: ____/20

Sarajevo, 18.05.2020.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo saobraćaja KS

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu ponovo upućujem inicijativu od 24.06.2019.godine za ***izgradnju parkinga i uvođenje dodatnih naprava za kratkotrajno parkiranje bicikala, kako bi se stvorili bolji uslovi za korištenje bicikla kao prevoznog sredstva u Kantonu Sarajevo i to:***

- Za parkiranje na kraći period trebalo bi odvojiti veći broj manjih rezervisanih površina, te ih opremiti prikladnim parking sistemom, koji podupire bicikl i za koji se on može sigurno pričvrstiti.
- Za parkiranje na duži period – u kojem bi se slučaju trebala obezbijediti povećana zaštita od krađe, izgradnju zaštićenih parking mjesta, poput spremnika i nadziranih stanica. Naravno, to mogu biti spremnici za jedan ili više bicikala.

O B R A Z L O Ž E N J E

Svjedoci smo da građani Kantona Sarajevo sve više koriste bicikl kao prevozno sredstvo, a uzimajući u obzir novonastalu situaciju pojavom Panedemije koronavirusa, za pretpostaviti je da će ovaj trend biti još veći. Ovaj pozitivni trend korištenja bicikla kao prevoznog sredstva treba pozdraviti poboljšanjem trenutne infrastrukture, jer u proteklom periodu dok su bile na snazi mjere zabrane i nije radio gradski prijevoz bicikl je bio veoma važno sredstvo za prijevoz. Iako je bicikle moguće parkirati bilo gdje – naprimjer, nasloniti ih na zid ili ih

pričvrstiti za stub ili ogradu, nered i zbrka nastaju kada je bicikala previše. Takvo parkiranje pretvara se tada u prostornu smetnju i vizuelno ruglo na javnim površinama što građane može odvratiti od vožnje biciklom, a bicikliste učiniti nepoželjnima.

S obzirom da su bicikli jeftin i učinkovit način borbe protiv saobraćajnih gužvi i zagađenja, smatram da će Vlada Kantona Sarajevo promovisanjem i olakšavanjem upotrebe ovakvog alternativnog i zdravijeg vida prevoza barem djelimično utjecati i na rješavanje tih problema. Parking mjesta ravnomjerno raspoređena po Kantonu Sarajevo su jednostavna i jeftina solucija, a prvi korak ka zdravijem i ljepšem Sarajevu.

S poštovanjem

Vildana Bešlija

Zastupnica u Skupštini Kantona Sarajevo

Naša stranka